

Thug a cheolruidh dhuit le spéis
Iomadh talamh us dengh bhéus;
Nuair bhios foghlam ann an éis
Bidh t-eolas reidh gun amharas.

Fhuair thu, 'bhàird, fìor ghràdh nan speur,
Tha do m'ur slàn gun bheud;
Iontinn àrd 'tha glan mar ghrein,
Tha ceolmhor, beusach, aigeannach.

Nuair a thig do reis gu ceann,
'S bheir thu cul ri tìr nam beanu,
B'e mo mhiann duit anns an àm
Thu dhol na d' dheann do fhuithneas.

An ad dhàil thig siol nam fonn,
A cur fàilt' ort le deagh loim;
Eiridh sunnd ort nach bi trom
'Sa choisir fhomunhoir, chaidreamaich.
March, 1886.

Duanag do Mhabu.

LE ALASDAIR DOMHNALLACH, ALASDAIR AN
RIDGE.

Fonn:—"Come through the heather."

LUINNEAG.

'S e fàth mo mhulaid gun d' fhàs mi duilich
Nuair dh' fhàg mi buileach an t-àite;
Gur h-ann mu thuath, taobh thall a chuain,
'Tha 'n t-eilein 'san d' fhuair mi m' àrach.

Gun d' shil mo shùil aig meud mo thuir's,
Nuair rinn mi 'n dùthaich fhàgail.
Is e 'thug m' àbhachd bhuam 's mo shunnd
Mi chur mo chùl ri Màbu.